

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
OPĆINA NOVI GRAD SARAJEVO
Općinsko vijeće

Broj:01-02-26411/22
Sarajevo, 04.01.2022. godine

OPĆINA NOVI GRAD SARAJEVO

OPĆINSKI NAČELNIK

PREDMET: Vijećnička pitanja i inicijative, dostavlja se

Na 20. radnoj sjednici Općinskog vijeća općinski vijećnici postavili su nekoliko vijećničkih pitanja odnosno pokrenuli su vijećničke inicijative sljedećeg sadržaja:

a) Vijećničke inicijative

-vijećnik Adi Škaljić-

1. U kojoj je fazi promjene naziva jednog dijela ulice Branislava Nušića u ulicu Esada Arnautalića?
OBRAZLOŽENJE

Prije pet godina (2017.) pokrenute su aktivnosti na imenovanju jednog dijela ulice Branislava Nušića po proslavljenom sarajevskom kompozitoru, aranžeru i producentu Esadu Arnautaliću. U toku aktuelnog mandata općinskog vijeća nije bilo pomena o ovoj inicijativi.

2. Da li ste upoznati sa dinamikom pripremnih radova i terminom početka građevinskih radova na proširenju Južne longitudinale?
OBRAZLOŽENJE

Izgradnja preostalog dijela Južne longitudinale je od velikog značaja za stanovnike Općine Novi Grad Sarajevo. Najveće saobraćajne gužve u našem gradu se formiraju upravo na prostoru na kojem bi trebala biti proširena longitudinala (potez Mojnilo – Aneks).

3. Upućujem vijećničku inicijativu za postavljanje usporivača kretanja motornih vozila (ležećeg policajca) u ulici Semira Frašte, kod Centra kulture Kralj Fahd.
OBRAZLOŽENJE

Ulica Semira Frašte postala je vrlo opasna saobraćajna tačka. Ovo se posebno odnosi na njen početak, gdje je jednim dijelom dvojsmjerna, a kasnije postaje jednosmjerna. Posebno je rizična krivina kod Centra kulture Kralj Fahd, gdje se već redovito dešavaju saobraćajne nezgode. Molim vas da razmotrite postavljanje usporivača, kako se nesreće ubuduće ne bi dešavale. Šaljem vam screenshot sa Google Maps radi lakše orijentacije.

-vijećnik Silvije Kristić-

1. Podnosim inicijativu da Općina Novi Grad u saradnji sa svim ostalim općinama na području Kantona Sarajevo, a sve u saradnji sa Ministarstvom komunalne privrede, infrastrukture, prostornog uređenja, građenja i zaštite okoliša Kantona Sarajevo dogovori dodatno godišnje finansiranje za održavanje i sanaciju RCUO Smiljevići pri čemu bi Općina Novi Grad bila izuzeta iz razloga što se na njenoj teritoriji nalazi sama deponija.

Općine na području Kantona Sarajevo svoj otpad odlažu na RCUO Smiljevići i trebaju da budu uključene u finansiranje koje je svih ovih godina nedovoljno, a zdravlje građana u okolini deponije je ugroženo zbog nedostatnog održavanja i sanacije.

2. Podnosim inicijativu da Općina Novi Grad u saradnji sa Ministarstvom saobraćaja Kantona Sarajevo realizira izgradnju pametnih pješačkih prijelaza shodno mogućnostima. Studije pokazuju da pametni pješački prijelazi povećavaju sigurnost pješaka i do 6 puta, naročito tokom dana sa smanjenom vidljivosti, a lokacije budućih prijelaza odrediti u saradnji sa ekspertima iz ove oblasti, a prioritet bi vjerovatno bili pješački prijelazi u blizini škola.

3. U cilju postizanja ušteda i prelaska na obnovljive izvore električne energije podnosim inicijativu da Općina Novi Grad poduzme sve potrebne zakonske radnje za postavljanje solarnih panela na zgradu Općine Novi Grad.

Razmotriti da se predmetna inicijativa realizira u saradnji sa Ministarstvom komunalne privrede, infrastrukture, prostornog uređenja, građenja i zaštite okoliša Kantona Sarajevo i UNDP. Isti projekat predlažem za implementaciju na svim osnovnim I srednjim školama na području naše opštine jer bi na taj način usklađivanjem sa toplotnim pumpama koje finansira UNDP kroz svoje projekte škole bile potpuno ili najvećim djelom neovisne I samoodržive u smislu zagrijavanja prostorija.

-vijećnik Vernes Ćosić-

1. INICIJATIVA ZA OGRAĐIVANJE,SANACIJU POSTOJEĆEG I DODAVANJE NOVOG MOBILIJARA U DJEČIJEM IGRALIŠTU NA DOBRINJI IZA TRGA BOSANSKOG SABORA I MIROSLAVA KRLEŽE

Obrazloženje prijedloga inicijative:

U ovom djelu Dobrinje pored ovog postoji improvizacija od dječijeg parka,odnosno postavljen je određeni mobilijar na betonsku površinu.Postojeći park je u lošem stanju i stalno izložen dodatnoj devastaciji.Velikom broju porodica koji žive u ovom djelu naše općine neophodan je ograđen i sa bogatim mobilijarom uređen park koji bi pružio njihovoj djeci siguran kutak za bezbrižnu igru.

2. INICIJATIVA ZA SANACIJU ULICA OSLOBODILACA SARAJEVA,MIROSLAVA KRLEŽE I VAHIDE MAGLAJLIĆA

Obrazloženje prijedloga inicijative:

Ove ulice su u veoma lošem stanju što govori činjenica da su u prioritetu Savjeta MZ Dobrinja B.

3. INICIJATIVA ZA ASFALTIRANJE DIJELA ULICE NADIRA KAFEDŽIĆA

Obrazloženje prijedloga inicijative:

Jedan dio ove ulice nije uopće asfaltiran.Ovom prilikom pokrecem inicijativu za asfaltiranje kraka ulice Nadira Kafedžića od broja 14 do 18 dužine oko 100 metara.

4. INICIJATIVA ZA PRAVLJENJE REKREATIVNE STAZE ZA TRČANJE DUŽ RJEKE DOBRINJE U SKLOPU NJENE SANACIJE IDUCE GODINE

Obrazloženje prijedloga inicijative:

Ovakav sadržaj obogatio bi dodate mogućnosti bavljenja sportom stanovnika Dobrinje. Rekreativno trčanje služi kao preventivski program kojim se u značajnoj mjeri može unaprijediti i/ili održavati

zdravstveni status, smanjiti mogućnost za nastanak i razvoj nekih od najučestalijih bolesti današnjice kao što su primjerice bolesti srčano-žilnog sustava, pretilost, lokomotornog sustava ili depresija koje u najvećoj mjeri pogađaju osobe srednje i starije životne dobi uzrokovane stresnim i užurbanim načinom života kojeg karakteriziraju pretrpani cjelodnevni rasporedi s obvezama i događajima bilo da se radi poslu ili obitelji.

Redovno upražnjavanje rekreativnog sporta održava i čini vitalnim sve sisteme organa, povećava otpornost prema bolestima, usporava proces starenja, pozitivno utiče na raspoloženje i sl. Rekreativni sport razvija poželjne osobine ličnosti: prijateljstvo, altruizam, socijalnu komunikaciju itd. Također postojanje ovog sadržaja motiviralo bi mnoge na bavljenje sporskim aktivnostima.

5. INICIJATIVA ZA SANACIJU SPORSKOG IGRALIŠTA IZA TRGA DJECE DOBRINJE

Obrazloženje prijedloga inicijative:

Postojeći park je u lošem stanju i stalno izložen dodatnoj devastaciji. Velikom broju porodica koji žive u ovom djelu naše općine neophodan je ograđen i sa bogatim mobilijarom uređen park koji bi pružio njihovoj djeci siguran kutak za bezbrižnu igru.

-vijećnik Mirza Memišević-

Inicijativu da Općinsko vijeće zaduži rukovodstvo Vijeća i Službu vijeća da redovno prati pretese na suđenju za ubistvo novogradskih policajaca Adisa i Davora. Cilj je da se ovim pokaže zainteresovanost za ovaj veoma važan slučaj za sve građane Novog Grada kao i da se ovim praćenjem izvrši pritisak na tužilaštvo kako bi što odgovornije pristupilo ovom slučaju. Svjedoci smo često neozbiljnog i neprofesionalnog pristupa pravosudnih institucija različitim predmetima te ovim putem želimo biti direktno informisani o ovom sudskom procesu. Praćenje bi podrazumijevalo neizostavno prisustvo predsjedavajućeg ili nekog od 4 zamjenika vijeća kao i sekretara ili službenika Službe općinskog vijeća. Vijeće zadužuje Predsjedavajućeg i Službu da vijeće redovno informišu o ovome procesu svaka tri mjeseca, po potrebi i češće.

2. Upućujem inicijativu da se hitno pristupi adaptaciji stanova kojima raspolaže Općina kako bi se stanovi mogli dodijeliti na privremeno korištenje socijalno ugroženim osobama.

3. Upućujem inicijativu da se Multimedijalna sala Općine Novi Grad Sarajevo ustupi besplatno za edukaciju roditelja o potrebi za HPV vakcinacijom. Molim nadležne službe da ponude slobodne termine institucijama ili organizacijama koje žele educirati zainteresovane.

4. Upućujem inicijativu da se ugradi električna rampa ili sl. između VI i VII sprata na ulazu broj sedam u ulici Ramiza Salčina. Naime, u tom ulazu na sedmom spratu živi dijete s poteškoćama u razvoju koje se ne može kretati bez invalidskih kolica. Odnedavno živi sam sa majkom te im veliku prepreku pri kretanju predstavlja penjanje sa šestog na sedmi sprat i obratno jer ta dva sprata nisu povezana liftom.

5. Upućujem inicijativu da se hitno sanira oštećeni betonski poklopac na biciklističkoj stazi kod Addiko banke u naselju Alipašino Polje.

6. Upućujem inicijativu da se ploče ispred Konzuma u ulici Senada Mandića Dende podignu kao i ploče u blizini, te da se teren asfaltira? Obrazloženje: nakon padavina stvaraju se lokve, a kada je hladno formira se led što predstavlja opasnost za prolaznike.

7. Upućujem inicijativu da se hitno sanira pješački most u ulici Branislava Nušića kod broja 148 prema novoizgrađenom bazenu.

8. Vijećničko pitanje: Koji je formalno-pravni status Centra za zdravo starenje?

9. Vijećničko pitanje: Ko je i po čijem nalogu skinuo naljepnicu zabrana pušenja u maloj vijećničkoj sali? Molim vas da poštujuete vijećničke inicijative i da postupite po prethodnoj u kojoj sam tražio da se poštuje zabrana pušenja u pomenutoj sali.

10. Vijećnička pitanja: S obzirom da se ignorisanjem postavljenih pitanja zašlo u grubo kršenje Poslovnika o radu Općinskog vijeća Novi Grad Sarajevo Član 97. Stav 7 još jedanput ponavljam pitanja i insistiram na odgovorima Predsjedavajućeg Općinskog vijeća Mirze Selimbegovića koji se prema navedenom članu stara da vijećnici dobiju odgovore: Da li je na obilježavanje godišnjice stradanja u Kalinoviku otišlo rukovodstvo ili dio rukovodstva Općinskog vijeća ili neki drugi vijećnici? Na koji način je napravljen odabir vijećnika koji su išli na obilježavanje? Da li vijećnici koji su išli na obilježavanje službenim vozilom isti dan bili i selu Umoljani, koje i nije tako usputno mjesto na relaciji Kalinovik - Sarajevo i obrnuto. Kojim povodom su, ako su bili, posjetili Umoljane?Obrazloženje:

Na 5. sjednici Općinskog vijeća Novi Grad Sarajevo koja je održana 7. jula 2021. godine u pisanoj formi postavio sam sljedeća pitanja: Da li je Služba Općinskog vijeća primila poziv za obilježavanje godišnjice stradanja u Kalinoviku i ako jeste zašto taj poziv nije upućen svim vijećnicima kao što je to praksa? U materijalu za 6. sjednicu Općinskog vijeća nisam dobio odgovor Službe nego odgovor predsjedavajućeg iako je pitanje eksplicitno bilo upućeno Službi.

Broj:01-02-11680/21

Sarajevo, 19.07.2021. godine

PREDMET: Odgovor na vijećničko pitanje, dostavlja se Na 5. radnoj sjednici Općinskog vijeća, vijećnik Mirza Memišević postavio je vijećničko pitanje sljedećeg sadržaja: Da li je Služba Općinskog vijeća primila poziv za obilježavanje godišnjice stradanja u Kalinoviku i ako jeste zašto taj poziv nije upućen svim vijećnicima kao što je to praksa?

Odgovor: Udruženje porodica žrtava "Istina Kalinovik 92" dostavilo je pozivnicu predsjedavajućem Općinskog vijeća Novi Grad Sarajevo za obilježavanje godišnjice stradanja u Kalinoviku 27.juni 2021. godine. Praksa aktuelnog rukovodstva Općinskog vijeća, koja nije bila ranije, je da pozivnice za obilježavanje značajnih datuma i događaja koja su na području Općine Novi Grad Sarajevo dostavi svim vijećnicima Općinskog vijeća. Obzirom da se radi o obilježavanju stradanja koja se nalazi u entitetu RS, predsjedavajući Općinskog vijeća obavijestio je Službu za zajedničke poslove o pozivnici u Kalinoviku, kako bi isti obezbijedili nalog za službeni automobil, kako bi istom prisustvovao. I dalja praksa će biti da će se vijećnici obaviještavati o obilježavanjima značajnih datuma i događaja koja su na području Općine Novi Grad Sarajevo.

-vijećnik Adis Šahmanija -

1. Ponavljam inicijativu za nabavku FM uređaja za Zilić Lejlu ,učenicu V razreda O.Š. „Sokolje“ u skladu sa čl.18. stav 2. Zakona o upotrebi znakovnog jezika u Kantonu Sarajevo (Sl. novine KS 11/11) te, čl. 66. i čl. 69. stav 4 Zakona o osnovnom odgoju i obrazovanju KS (sl.novine KS 23/17.) i čl. 5. Pravilnika o načinu i obliku provođenja odgojno obrazovne podrške i stručnog tretmana (sl.novine KS 29/17.)

Naime ,Zilić Lejla je djevojčica koja ima ugrađeni kohleri implatant i uključena je u redovni obrazovni proces. U Kantonu Sarajevo je trend da se djeca sa invaliditetom/poteškoćama u razvoju uključuju u redovan obrazovni proces -inkluzivno obrazovanje smatram da mi kao lokalna zajednica trebamo pružiti bezrezervnu podršku Lejli i pomoći joj da stekne kvalitetno obrazovanje rame uz rame sa svojim vršnjacim bez obzira na svoj invaliditet.

Bosna i Hercegovina usvojila i ratifikovala UN Konvenciju o pravima osoba sa invaliditetom a u čl. 24., koji se odnosi na Obrazovanje jasno i decidno obavezuje države potpisnice šta trebaju učinit na implementaciji istoga. Pozivajući na Opšti komentar br. 4 (2016) o pravu na inkluzivno obrazovanje i

cilj održivog razvoja 4 i naročito podciljeve 4.5 i 4.8, država članica treba da intenzivira svoje napore ka inkluzivnom obrazovanju, a naročito:

da osigura pristupačnost školskog okruženja u skladu s Konvencijom, uključujući između ostalog razumno prilagođavanje, pristupačne i prilagođene materijale i inkluzivni nastavni plan i program.

Vrijednost FM uređaja koji je kompatibilan i za djecu koja nose slušne aparate i koja imaju ugrađeni kohllearni implantant je 2.500 KM.

2. Podnosim inicijativu za ponovno postavljanje sfernog ogledala ulica Reljevska, skretanje za Tjepovački put.

Na ovoj raskrsnici prije 10 ak mjeseci prilikom udesa polomljeno je i sferno ogledalo. Zbog slabe preglednosti na ovoj raskrsnici svake sedmice dešavaju se nezgode.

3. Podnosim inicijativu da se rasvjeta na spomen obilježju u Naselju heroja Sokolje poveže na uličnu rasvjetu.

Trenutna rasvjeta postoji ali se ne koristi i pomenuto obilježje je u mraku i služi za okupljanje sumnjivih osoba u noćnim satima.

4. Podnosim inicijativu za postavljanje saobraćajnih znakova u ulici Numan Paše Čuprilića.

Zbog neposredne blizine škole i pješačkog prelaza koji svakodnevno koriste školarci, hitno je potrebno postaviti saobraćajne znakove.

-vijećnik Adis Pljevljak-

1. MZ Svrakino III je podnijelo inicijativu za potporni zid u ul. Čamila Avdića br 7, te podnosim inicijativu da se cim prije riješi navedeni problem, jer su ispunjeni svi uslovi, dobila se saglasnost od vlasnice kuće.

2. Da se ukloni stubić sa jedinog pristupnog puta prema OŠ M. Mak Dizdar. Inicijativa od strane škole je podnesena sredinom ove godine te pokrećem inicijativu da se ista ubrza

3. Podnosim inicijativu da općina kontaktira ViK za otpadne vode na Aneksu, koje se na dva mjesta izljevaju na ulicu na putu od Otoke prema Aneksu. S obzirom da je frekventa put, a vrijeme je minusa, može doći do stvaranja poledica

4. Podnosim inicijativu da se u velikim neboderima provjere svi kontejneri koji se nalaze u zajednim smetljarnicama, jer ih je dosta ostecenih i može doći do kolektivne zaraze. Ovome trebamo svi zajedno pristupiti u rješavanju i preventivnom djelovanju, da ne bude kasno.

5. Tražim informaciju od općinskih službi za put iza Heco pijace koji vodi prema centru S. Zajko, kome pripada i šta se može preduzeti za uklanjanje ogromne deponije smeća koja je napravljena i šta se može poduzeti u sprječavanju iste.

6. Postavljam pitanje šta je sa privremenim objektima kod Mercatora na Dobrinji, jer kolegica Aida je podnijela inicijativu, ali nema vidljivih promjena po pitanju toga

7. Pokrećem pitanje u vezi operativnog centra u slučaju proglašavanja vanrednog stanja, koji bi trebao raditi 24h, da li isti imamo i je li u funkciji?

Da li kao općina imamo sistem uzbunjivanja?

Da li imamo utvrdjenu procjenu ugroženosti od požara, kao i program razvoja zaštite od požara i vatrogastva iz nadležnosti općine u okviru procjene ugroženosti, odnosno programa razvoja zaštite i spasavanja od prirodnih i dr nesreća i donošenje plana zaštite od požara općine?

Zasto smo jedina općina koja nije dobrovoljno vatrogasno društvo stavila/proglasila općinskom službom?

Zasto općina nije povukla sredstva za klizišta od KUCZ?

Zasto općina nema sacinjenu evidenciju pripadnika i obveznika CZ?

SEKRETAR
OPĆINSKOG VIJEĆA

Elvir Kosovac, dipl. pravnik

DOSTAVITI:

1. Naslovu
2. Predsjedavajući Općinskog vijeća
3. a/a